

Arubiano Narshell Gibbs nombra Gerente General na Aruba Beach Club



ORANJESTAD (AAN): Aruba Beach Club orguyosamente ta yama bonbini na un cara nobo den su Team di Maneho. **Narshell Gibbs**, naci na Aruba, lo tuma e posicion di Gerente General di e Club entrante 30 di Oktober 2019.

Despues di a gradua di Aruba Hotel School, Narshell ta yega na Aruba Beach Club cu mas di 20 aña di experiencia den e sector hotelero. E a cuminsa na un nivel basico progresando pa

e nivel mediano den maneho y finalmente pa posicionnan clave den maneho ehecutivo.

Narshell su atencion pa detaye y su deseo pa mehoracion continuo di e index di satisfaccion di huesped, hunto cu su filosofia y pasion pa “duna e toke personal, no solamente na e huesped pero tambe na su coleganan”, ta den linea cu e mentalidad di henter e Team di Maneho di Aruba Beach Club.

Siendo e Promer Timeshare Resort di Caribe, Aruba Beach Club ta e ehempel tipico di e dicho: “*Bo Cas leu di Cas*”.

“Nos ta hopi entusiasma cu Sr. Gibbs ta join e Famia di Aruba Beach Club,” e President di e Hunta Directiva di e Asociacion, Sr. Kevin Foley, ta bisa. “Cu su experiencia, Sr. Gibbs lo yuda pa hiba nos Resort na e siguiente nivel”.